



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.DC.LXXI. S. P. N. Benedicti. M.CXCI.

urn:nbn:de:hbz:466:1-38498

fuit, qualē, qui elegerat, ut aeternū placeret, sibi ipse finxit, ipsus composuit, ipse excoluit & exornavit, & in ipsā magnificus videri etiam à nobis voluit, ne quod olim poterat, etiam hodie non posse dubitemus, in cujus gratiæ ornatu ipsi etiam Coelites recrearentur, uti in ejus assumptione lætati sunt & tantos ipsi favores, tanti sponsi amores gratulati, ut facile de Ipsius BENEDICTI Patris gratulatione ominemur, imò omnes veri ejus filij, & ipsi & nobis gratulemur de Patrona tanta, apud Omnipotentem tantum prævalente, auctoritate & gratia, ejus exemplo docti, quantum etiam hodie possit Regulæ sanctæ exacti studium, & perfectior Voluntatis propriæ extinctio, quæ Crucifixo amoris ita Joannā sponso copulavit, ut una cum ipso configeretur, ut sacris etiam stigmatibus, uti Seraphicus ille Franciscus, prodigiosissimis summæ dignitatis & amoris signis toti mundo, cœlisq; ipsis summè æstimandis notaretur, & insigniretur. Ut jam non minus in sua effigie tantis insignita signaculis, dissidentibus propriæ fragilitati, & in præceptis Regulæ, fingentibus laborem in præcepto, cum Apostolo ingerat: *De cætero nemo mihi molestus sit, Ego enim stigmata Domini IESU in corpore meo porto.* Et: *Gratia Domini nostri IESU Christi, cum Spiritu Vestro, fratres:* Si tamen Spiritu, & non potius secundum carnem vivatis.

*Altera
Teresia.*

*Verè Christo
suo compassa.*

Mariam Joannam, viri doctissimi, iidemq; Religiosissimi, haud quidquā minus gratiā valuisse apud Divinam Majestatem, quā valuerit magna illa Teresia, & Senensis Catharina, pro certo habent, & revera tanta sunt, quæ in ipsam contulit omnipotens, ut nulla satis admiratura posteritas sit, nec ullā satis seu linguā seu pennā exprimi possint. Fuit à teneris unguiculis miris illustrata visionibus, miraculis gloriosa, & Spiritu Propheico donata, tantis tantos juxta favores tentationibus & tribulationibus excocta, ut nemo non vel solum exaudiens exhorrescat, quin & patienti Christo Sponso suo non solum, ut diximus in Cruce confixa, sed per omnia totius sacre passionis supplicia compassa, flagellata, spinis coronata, confusa, contusa, ut Archimartyrem jure deprædices, Regi Martyrum ita conformatam, ut nil nisi sola

Numinis gratia, vitam tanta inter tormenta roboraret: quæ tanta ejus patientia meruit, ut solenni prorsus Sponsaliū festivitate Sponsam sibi Virginum Sponsus copularet, frequentissimum inter testium summæ auctoritatis numerum, sponsum advenientem comitantium, tantoque actui præsentium 12. Patriarcharum & Prophetarum, 12. item Apostolorum, totidem Martyrum, totidemque Confessorum ac Virginum, Ipsa quoque Virginum Virgine Matre sua, applaudentium & congratulantium universorum. Certè Joanna hæc, tantum Divinæ in se operantis gratiæ, & charitatis miraculum fuit, quod non uni solum huic obscurissimo sæculo, in exemplum Sole omni illustrius Divinæ in suos benevolentiae charitatis, & largitatis inexplicabilis, sed pluribus sæculis suffecisset, huic autem postremo in singularissimum Benedictini Ordinis excitamentum provisum, destinatum & concessum, quod ipsum animadvertens invidentiæ primus author Cæcodæmon, nullis non artibus impedire conatus est, ut tam luculenta Divinæ gratiæ argumenta in scripta, & publicum proferri impediret, adeoque prodigiosū BENEDICTI in Joanna filia verè REDIVIVI ab tanto exemplo fructus nequitiosissimè interciperet, etsi frendente ipso, omnes ejusdem astus & fraudulentia, summa cum ipsius confusione proderentur, atque ex his ipsis tanto magis Veritas elucesceret, & fervor imitandæ tantæ Virginis accenderetur. Prodiit Vita Sponsæ hujus lectissima ipso Operis hujus jam finiti anno 1679. ita ut quæ cuique debebantur anno, prodigiosissima prorsus Divinæ gratiæ in Joanna miracula inserere nequiverimus, quæ singula omnem etiam sensum refulscitare extinctorum potuissent ac debuissent.

*Dispensatio
mirifica.*

*IESU CHRISTI ANNUS. M.DC.LXXI.
S. P. N. Benedicti. M.CXCI.*

Solus pro multis sufficiens in exemplar BENEDICTI REDIVIVI annis, imo pro sæculo integro Eminentissimus S. R. E. Cardinalis, Fuldenfis & Campidonensis Princeps & Abbas Bernardus Gustavus Badensis Marchio Serenissimus Austriadum Regum & Cæsarium multo nomine & Sanguinis jure consanguineus, totum volumen elogi-

*Bernardus
Marchio
Badensis.*

B E N E D I C T U S

orum mereretur, qui non sine singulari Numinis gratia mirabili sanè vocatio- ne ad gremium Sanctæ Matris Ecclesiæ, paulo post ad sacra Magni Monachorū Archiducis Benedicti castra & signa vocatus, ea Divina inspirationis signa in Cænobio primū Rhenoventsi edidit, quasi ab ipso met Magnō Patriarcha institutus, explere ipsa Magisterij non rudimenta, sed complementa conaretur. Et revera incipiens proficientium non solum, sed perfectorum suo exemplo Magister quasi & Doctor exitit, eū tantus Princeps ipsa sua animi demissione omnium intuentium animos percelleret, suaque ad exercitia quævis Religiosa promptitudine consuetudinūque & Ordinis & Monasterij accommodatione neminem non magis accenderet, tanta cum omnibus familiaritate, quasi connatus ipsè frater & sanguine & professione esset. Imo simpliciorū quorumvis Religiosorum sumopere delectatus consuetudine, verè simplex in oculis suis factus, cum tamen excelso esset animo, & insigni præditus prudentia, verè columbinā jungens simplicitatem prudentiæ serpentinæ. Hinc nihil se duxit indignum, simplicissima contentus veste, paupertatē, quam professus erat, in purpura æque cardinalitia, quam dum simplicem ageret Cænobitam sedulo confectatus in lectulo non minus, quam mensa, omnē splendorem fugiens, in ipsis quoque verbis, & moribus humillimorum exempla imitatus. Memorabile sanè illud cum manicas vestis attritas refici fragmentis scapularis curaret tantus Princeps, & sic confusus apparere in conspectu suæ Aulæ majorum, dignum Monacho, etsi Principe & quidem eminentissimo, censeret, qui Christi juxta humilitatē sectaretur. Fuit mira præditus animi lenitate, solertissimus Religiosæ disciplinæ observator, & cum Abbas electus esset, promotor; lectionis sacræ studiosissimus, vir verè Contemplativus, contemplationis studio addictissimus, nullius tantopere sagagens negotij quam quomodo Spiritus cui S. Pater BENE- DICTUS servivit, in creditis sibi Monasterijs, sed & in toto Ordine excitaretur; suo exemplo omnibus prælucens, ut nihil revera in ipso Abbatialis & verè Paterni muneris posset desiderari. Talis omnino qui omnium Monasteriorū

Antistitibus animū addere & calcare posset, ad omnes excusationes disciplinæ acuratus promovendæ & huc usq; minus promotæ jugulandas, cum ipse tantus Princeps se ipso aggrederetur & exerceret, quæcunque ab alijs exigebat; ut planè nulla valeret excusatio, cum talis ac tantus in se susciperet, quæ minoris notæ triarij sibi observatu difficilia quererentur & sapius reculare non erubescerent.

ANNUS CHRISTI. M. DC. LXXIII.
S. P. N. Benedicti. M. CXCIII.

I Terum Redivivi vigoris, fervoris, & splendoris filiū Redivivus in suis filijs & filiabus Magnus Pater & Patriarcha BENE- DICTUS, Virginum sponso in coelis adjungit, decimo sexto Novembris ex mortalitate hac ad felicissimam immortalitatē translata Venerabilem Aureliam Franchi Monialē Ordinis sui in Monasterio Brixienti Sanctorum Cosmæ & Damiani, admirabili sanctioris vitæ opinione celebratissimam, quam & mirabilis Deus in Sanctis suis haud mediocribus singularis sui affectus argumentis & signis, obscurissimæ huic ætati nostræ commendare visus est ad æternā omnipotentia suæ gloriæ celebrandā, quam etiā in diversis, Hispaniarū, Galliarum, Italiæ, & Germaniæ Ordinis Congregationibus singulari Regularis observantiæ promotione promovere non desinet, paulo post totum Ordine restitutus primævo flori, & fervori videatur. Certè, revocatus ad amulsum sanctissimæ Regulæ Fulientium rigor facilitatem, Regulæ ex integro observandæ prudentium omnium, & secundum Spiritum sapientium, corda haud leviter movet, ut nemo non, qui gratia DEI in ipsis adeo potenter operantis magnalia intuetur, intrinsecus moveatur, & spem concipiat maximā Ordinis paulopost ad primævum vigorem, virorem, florem & fructus revocandi. Cujus tantæ suæ & mirificæ operationis promissionē haud obscurā ipsimet BENE- DICTO Patri primariisque Antiquorū Ordinum Fundatoribus Divina Bonitas, teste Venerabili Anna de Bois Abbatisa Brigitina, fecit, ut nemini dubium esse deberet, etiā juratos sanctæ Reformationis hostes, aut mirabiliter ad meliorem sensum vertendos, aut rigi-

Ven. Aure-
lia Franchi,

Promissio
Divina